

靜

嘯

齋

存

草

靜嘯齋存草

卷之六

寒竿艸之一

宿栖雲寺至沈孔璋篆刻博酒計七十首

靜嘯堂存艸卷之六

西吳

董斯張遐周甫著
韓曾駒人穀甫訂

寒竿艸

敘曰自乙卯後余詩蓋一變云記乙巳自閩
歸吳中初晤曹能始能始爲說詩之源委篤
好之後能始宦南曹及還閩數有書來以此
道相勗僕時亦以詩往正稍示眉公允兆諸
君盡謂句中有眼吳門王亦房尤神賞之賡

唱者不下數十篇嘗欲合吾兩人詩爲續松陵集然爾時真心苦構心血欲嘔每喀喀不自休比年來盡謝帖括百病交戰案頭不置一書興到便吟興盡輒罷或一夕輒浮千言或經歲不盈數作殺活之機橫見側出好醜之懷嗒然都喪頗云得自受用三昧今年天啓壬戌吾年三十七矣更能作幾時活輒命童子取手藁別錄數卷命之曰寒竿借子瞻廢學語也往景陵吳公去吾親吾作書以五

詩投公公東韓求仲云在羈兩年不識吳中
有董生吳興守眼可挾也近得渠見贈詩如
飛天僊人不著一煙火字吾至今愧之第數
年來語句較往製如出兩手知我者曰律師
解縛罪我者曰貞姊當盧嗟乎王五云逝矣
公不來矜愍何爲自娛而已錄三本一置西
禪一度之笥中別一本每月假好事者傳觀
三日吾所不靳正月二十四日瘦居士書

宿雲栖寺

癸丑

微茫月漸午山氣當秋正老籜三五蒙如與涼颼靜
候蟲依唄作倦鳥隨僧定西境亮不遐精修敢言病

梅谿

乙卯

雲似魚鱗壓市低竹籊載筍出梅谿逢人閒問崑山
路葛塢西頭更向西

夏日包彥平過訪畱集得聲字

携書松下讀臥則聞松聲病起有何事客來無一生
主人絕迎送酒政猶縱橫別子亦非久扁舟方雉城
漫興六首

一月何曾一事忙
時時岸幘受微涼
帙如帝子衣長卷
窓似仙人眼乍方
枕未教縫求菊蕊
硯因頻浣積蓮房
此中清福承誰力
汲取新泉供法王

其二

竹間擁膝自成吟
莫向人間嘆陸沉
常以文章爲佛事
肯教老大變童心
臥遊此日何勞畫
得趣當年不枉琴
比似苾芻多一着
雨中茉莉摘來簪

其三

瑟瑟空參日據梧
負他風月酒情無
鳥知施食凌晨

下螢惜殘燈伴夜徂淫戒不持還蠹簡雄心未冷亦
撈蒲薛濤去後眉峯杳訝得花牋與病夫

其四

青眼羞看燕市花只從枕上問年華不知晦朔庭前
菌未辨官私水次蛙名畫何妨收士女佛書翻許借
僧家迂踈至此真堪咲碧艸如人紙似鴉

其五

黃鳥交交起尚遲科頭小飲日斜時唐書買得貧僧
未周鼎携來款獨疑老母諷經初喚寫病妻問字也

徵奇吾家武子偏饒舌臣叔如今似不癡

其六

何苦蟲魚費半生往年盡力築愁城親朋蹙到時忘
揖舊僕相看亦問名燕壘泥乾啣艸入豆棚蔓引過
墻橫忽然櫛沐人俱訝只在梧桐樹底行

三君詠

三君皆吳興守

謝安石

洛生詠不停中歲類枯槁槐鉉神彌閒巖栖材益老
妓樂有旁寄煙嵐縱幽討喚鶴入公山方知非小艸

顏太師

明遠來何遲鹿脯乞未止誰旌勁艸節且飲桃花水
山僧叅韻學逸士尋茶理短笠杼山雲雲呼君可起

蘇端明

長公倜儻才雄文奪霞麗青霄靈鳳舞碧海驚鴻戲
儒俠不可名仙佛咸其寄一官聊復然三蕉兀焉醉

紀宣符生子歌

十月小春無凍艸烟暖閨中浴兒好試啼劇得阿爺
憐欲語如求大姊抱先公得君恨較遲擊鮮匝月賓

無疲君今有見良慰之文章種子真在斯曲廊隱隱
琅玕枝爲汝快歌雛鳳曲我亦生兒汝歌續

重九後一日韓延年作弓載酒碧湖偕孫孟樸
得畱字

新蛾拂山翠名酒席湖流石認殘更點家隨晚鷺浮
幾何秋在眼倒欲客相留試一呼隣舫諸君昨到不

東忒公二絕句

昨宵揮扇猶嫌熱祇箇單衣忽畏寒誰者是今誰是
昨酒醒眠覺一同看

其二

村草喚汝伏猿師比似降龍力倍之認得猿時何用

伏隨他喫栗與偷梨

師一字復元村中人誤呼爲伏猿

麗侯李公太夫人壽章

李公蜀人太夫人則瓊崖人也

明月不在天下爲賢母心夢中挈瓊海欲赴峨眉岑
青鳳爲其雛蔽日揚和音道從西南來千里爲吳霖
激湍無濁源恩與霽水深斟水介君壽豈畏青驪駿
送王亦房之燕

去年王郎送我北楊柳絲絲淚沾臆今年我病君復

行楊花已盡楊梅生逢君弱冠快人意轉眼空成十
年事我髯如戟君有鬚浮名不成何待乎可咲江南
永帶水我生其間亦徒耳後來領袖才有君何物董
生真可死誰不憐王郎才誰不念王郎貧無主燕巢
勿復歎來歸龍種還驚人吳山有雲燕山有雪不隔
離魂烟際孤月浩歌石上天茫茫一夕秋風雙短髮
歌宛轉歌何哀征帆背歸鳥斜日臨高臺他時負琴
還邛笥借呼董生安在哉

投贈郡侯吳白雪先生

青松挺曾厓豈識春露恩朝暘媚群卉桃李還無言
郭東有賤士微尚耽丘樊焚香讀梵書宴坐窮晨昏
不能揖諸侯藥物當甕飧自公下車來淡歲豐田園
雞犬罷夜號府吏無叩門高枕若天賜焉敢迷其原
猶恨便便腹鬱蹙千秋存未從子衿後掀眉精討論
西樓貯山月想見冰蘂魂帝遣鎮匡廬若水咽不
奔惜非洛陽生何以留公轅

登蘇公臺歌

古城斜控層峰碧臺中攬雲雲不出紫烟微茫來具

區龍威丈人猶可呼昨日風華冷苔雨綺窓半入城
邊上蘇公不死吳公來石臺依舊青崔嵬城頭統統
鼓聲細鳥眠月沈太守醉采毫戲染墜千花吳兒袖
得眉山字

八月九日寄史聲聞諸君八韻

經春無緒謝交知又見秋風掠鬢絲宗語初提驚老
袖方書自檢泣群醫妖童作態停歌處坐客掀髯說
鬼時遙想去年當此日枉然捉筆更低眉風生文業
真成習尚字功名了不思免俗未能聊復爾諸公尚

狂好爲之妬人夢裏西湖月遣病床頭南阮詩枕上
報君休見惜塲開選佛請拏旗

懶

無人捲起竹簾鉤放脚橫眠夢不求雨歇虹生庭半
紫童呼午飯未梳頭

偕恣公夜坐懷仲弼

休空月未上溪靜雲始歸共君玄夜賞及此霜華飛
潭古閒揮淚叅宗倦息機將尋病居士夢裏叩雙扉

東仲弼

相携且盈歲勝事復何緣餌水寧警懶聞歌忽起眠
艸長無寸似松病却同憐知爾盆梅放母慳貫酒錢
答吳凝父舟次七夕見懷

陽里疾方恣西河戰不肥始秋罷歡緒空盈流靜機
紈扇漸辭御商絲聊暇揮所思邈何許長川浩言歸
風細湖帆緩烟生山木微清漢詎可涉涼月空已暉
採薇懷舊諾樹艸悵今違終慚七襄報徒傷三鳥飛
西湖舟中同沈孺休杜仲嘉范君輔坐雨作
一天急雨作潺湲野舫初停第幾灣諸客懶尋橋畔

字小娥癡覓浪中山聽殘漁笛棋都廢挑盡燈花酒
不閒冷落水仙呼未起荒祠載得霍魂還

葛鳴作三首

笄鞭橫出欲穿籬松子纔生鼠不知細雨一林山鬼
語白鷗浴起葛公池

其二

萬竹沉沉碧刺天秋如寒食斷炊烟石楠樹老疑楓
赤石虎三更伴鹿眠

其三

鴉啣朱柿墜秋坡竹筴
駝泉帶碧莎野菊一頭山下
女也能學唱採茶歌

壽朱司成先生六表二十韻

丙辰

梅砌抽寒萼蘭庭茁翠苗老臣初度日聖主履端朝
舞雀春回懶歌鶯早試嬌椒浮方介壽嶽降卽新謠
自昔憐微尚伊余景素標姿勝安道潤氣奪阿龍超
火藻資丹黻冰心映絳霄人倫推秉鑑騷雅鮮齊鑣
惡難蒸民粒飛書狡宥消三吳深覆露萬井失蕭條
衆望紛何迫公情澹不囂膠雍空講席斧宸憶清僚

野舫時湖溆，籃輿或石橋。塵談貪茗戰，盆島聚花妖。
曾是金華輔，而徒丘嫂驕。含章包以杞，堅白鑿非匏。
姓字呼童慣，平安虜訊遙。蒼雲時局變，黃髮苦衷饒。
旋轉憑誰事，乾坤似未調。文成殊健飢，詎許赤松招。
雪

乍醒午睡幅巾斜，半軸楞嚴一椀茶。隱隱風前何處笛，
那堪開眼夢梨花。

送周虞卿之闕謁葉太傅

寶刀插吳市，賣却無人取。欲辦粵中裝，桃花送君去。

男子一腔血長年半帆雨相公閒賭碁嘗盡荔枝譜
當時長安客意態政如許罵殺屠沽人貧不療兒女
有鳥貪榆枋那知鴻鵠舉美人怨青春山鵲不解語
梅谿路多種竹驕蒼十餘里幾不可親天里人

命曰竹養爲作竹養詩

養去聲

一林綠初滿日在其隙中雖無臨淇媚時鼓瑤欄風
所遇鮮異色琤瑯戛空濛鳥聲聊復暫聲匪他林同
殘暑徒爾爲已絕地天通衣潤境亦寒影息幽難窮
焉知陰森處不有虎豹宮竹盡山乃出西景搖斜紅

送恣公之五臺

宴息清涼國吾嗟願未俱誰能空世諦似爾卽脩途
迫莫停齋乞柔柔坐不枯雪山應有見是不二文殊

吳門道中

柳花亂片拂船窓雪點湖田鷺幾雙數到明朝寒食
夜半蓬牋照過吳江

內弟沈胤培書來問余近狀報以三詩

不巢亦不由樂向曲肱求天地閑成客雲谿醉拜候
烏能持佛號艸也療人愁尚有餘饒在從若乞雁頭

笑一名
風頭

其二

朝曦晒微雨宴坐得前軒
婢恠分尼鉢妻慵繡佛旂
灌蘭磁斗重研藕石池渾
汝是僧耶俗髯翁何所言

其三

逃暑亦何樂科頭眠竹床
鷄群呼祝祝魚子聽堂堂
童戲掌初合客來袍半方
架書今屢散不敢秘中郎

自題影子三首

頭短髮滿額鬚不出門庭
吾愛吾好覓先生棲泊

處睡鄉有分醉鄉無

其二

董生自命瘦居士奴輩休憎窮主人若較去年多事
日如今省買一頭巾

其三

懶向文場乞導師權稱法席小沙彌生年三十渾除
却祇合呼他一歲兒

虞卿苦市中囂塵戲之以詩

君言晝夜囂聲合渾似李陵前在胡却問雨窓孤咏

者隣人聽得厭還無

夏日幽居七首

晨起簾前燕語稠
青松架上雨新收
沉酣高枕豈知足
料揀法書如有仇
日也殢人難得夜
天還憐我早成秋
誰家送到吳江雪
轉贈隣翁一療愁

吳江近有酒名香雪

其二

不學三閭強問天
襄陽居士願齊肩
蘆簾半下眠雲滑
茗盞初繁瞰月鮮
失意且同兒輩戲
非才幸免俗人憐
閒揮羽扇渾無用
飜使狂奴傲昔賢

其三

伸脚北窗忘晏起，異書繙罷似嘗醺。
荒蕪南畝生何拙，掩映西山睡不喧。
童子傲如稽叔夜，酒人酷勝衛公孫。
昌蒲葉細盆爲供，未待商飈已滌煩。

其四

河朔休慚酒力微，雨深涼驟數添衣。
客涎鄧尉尉楊梅，熟醬勘甘州枸杞。
非樓字讀書塵漸厚，園名離垢艸偏肥。
敢云六月扶搖息，底事群然咲不飛。

其五

海榴初綻艸堂殷竹裏枯藤手自刪一事過人忘最
幾千秋翫世隱非頑久羈文囿今逢赦獨處空樓早
頻鰥小坐風前貪片石經營烟水未曾閒

其六

追尋往事輒飛揚狂豎成名古戰場走馬射堂豪可
賈驚鴻洛浦夢猶香十年纔悟蜘蛛隱半世誰教燕
子忙東寺閒行隨喜去空庭蕉影到僧房

其七

挾書驅蹇九關回轉眼空華祗自哀俠骨半從閒裏

蛇勝緣多以病爲媒農占晴雨京房易客嘯風烟阮
籍臺花底紅牙今已歇雙趺新試一爐灰

冬夜同若木訪沈仲畱集

不及撒鹽天携童晚放船未通新客刺遽破主人眠
汲汲真何意油油詎忍旋寒深爐對擁歌細盞停傳
小謝圍棋勝微矜枰陣堅憤時諧語半求古素心全
琢玉科秦篆橫經唾漢箋清言移丙夜誰謂酒非禪
過沈孔璋別墅

避囂愁不深隔渚媚新築方池墮醉影高閣領玄囑

日斜鳥爭喚霜苦樹無禿予歸子亦歸松徑依然綠
茉莉

小砌濃香冷素紗夜殘露重月微斜內人眠起寂無
事閒拈念珠來數花

謝沈正旃見寄三首

晴鳩呼雨後蒸溼稍能舒是日梧窓晚澄霞紫敞廬
村幽無客問定起得君書而我亦何寄蘧焉一枕餘
其二

鷓鴣方有託懶借上林栖閱史鳥成馬臨書驚勝鷄

雨淫孤客異宵短世情齊杖屨應誰向餘不西復西
其三

其別未三年其人較昔顛茶酣呼竹語書廢枕魚眠
偃仰槐間國縱橫甕裏天交知君最老那可尚無禪
高暉堂前燕

土巢啾啾聲嫗一四其子客言此閭喉象胥不可理
燕問客何言汝答恐無以昨到碧眼僧親渡流沙水
卷舌宣清楚漁童咲不止神聖亮斯傳語亦聯枝耳
未與石何情點頭而東指人鳥兩寂寥五柳琴鳴矣

放歌行

世界良悠悠造物何無情
淚亦不可洗舌亦不可爭
但恨古來豪傑柱如雨
青原埋魄成妖精
齊淳于爾何嗜酒簪珥未墜
王不留髡心最慳
亦烏有劉平原爾何嗜書
湘東一炬灰萬卷蠹魚有癖
將何如以茲優游日尋懶
古苔綠人睡空館不衫不帶
復不冠抱膝長吟心未短
冷風昨夜驕溪亭桂花抽
紫蘭葉青溪老石怒吹龍腥
寒流顧影獨成吟瘦雀一
噉橫秋星攀雲而上何泠泠
牽牛左旋輓轡不停直欲排太

微謁帝庭臣言非慙帝妾聽願得九霞漿三萬六千
斛色如絳雪味淥醪一醉百年都未醒臣之敝裘不
足以待閭闔不見明河之傍天孫雲錦緯復經賜臣
衣之光晶熒龍旂虎節流金鈴弟九僊而僕六丁臣
不佞猶能爲帝揚日月之英靈

輓吳允兆

憶君問我疾去年流火月縹緲互披賞諧謔散如雪
示我叔夜帖群鴻海浮沒一慟今人交欲喚金坪骨
別後類械書爲君一啓關君痛芝蘭摧情至輒自刪

燒香寫半偈投老殊能閒相期江上棹塵土澆潺湲
稍聞肺病侵淡悶風所苦醫亦就西湖尊煮孤山雨
溘然棄我先王塵咽黃土嗟乎隔歲語尋之便成古
射溪波粼粼魂往焉可招一生寥落盡無乃風雅標
太守飲君酒初以上客邀昨事宛若新微解俗物嘲
延州澹聲華簪綬誰見驕停雲何所佇鄰笛驚秋宵
有懷吳大康侯却寄

君是江東衛洗馬年來憔悴吳城下夢裏逢君亦復
愁始知吾輩鍾情者癡兒落魄尋常事君獨何爲楚

人棄小庭桂露啼秋螢曉枕空餘憶君泪蕭齋園飲
情烟碧猶記懽呼范侯宅國華眉語麗華歌翠袖郎
當擎玉液海湧山頭月半輪桃花塢裏花重茵盈盈
一水吳郎病不信風流更有人

亦房客京師寄懷二首

相逢祇有泣相望乃成雲天與秋帆斷魂隨曉葉分
味寒過作客心死不言文鍵戶真良策惟斯可授
其二

昭王臺上土敝褐又干齊去僕忘鄉語秋花怯馬蹄

傳聞饑國野餉客但燒梁一詠吳趨曲山樓星漢低

峴山晚眺同楊大若木

飛霞變暝川逸老一停烟僧磬遲鴉宿漁燈照柳眠
醉寒蘭入酒狂喚月回船人語春城寂滄浪歌可憐

夜奕

蕉窗生薄寒小風動燈蕊野人鬪棋罷幾度棲鴉起
過內弟書塾有作

閉關餌棗栢已作空王徒今日聞讀書忽然敲唾壺
古意寄溫長卿少詹

青明
小屏得奇句不敢驚他人淚洒西冷花恐減湖上春
歸雁何不將我書寄彼金馬之遊塵前日紅亭踏香
雨風流學士深相許生隨蕩子隴頭雲玉鏡懸秋鳳
無語

送外舅方伯沈公之大梁二首

水石豈無戀如彼梁人何馬頭觸霜艸醉作扶風歌
嵩嶽等國恩白首誓不波旆旌何悠悠明朝北渡河

其二

離亭緩征輶病色強能起舞闌白日宴樹樹蒼雲裏

情知洛川月亦入茗之水酬德復何言杜懷耗紈綺

寄懷松陵沈師

十年如一春凍雨泣花神消息從誰問同爲病裏身
谿雲晴入盞村鳥倦啼人閒理金蘭藉無如藥石親

其二

許久夢顏色衡門深石苔居輪真可化泡影任相猜
游戲千言出精靈萬古開胡然搖落恨高臥亦雄哉

沈孔璋欲以篆刺博酒索之以詩

曾聞班生飲輒醉噴墨四射桃花浮乃知悠悠之徒

未見耳蜎蜎百萬堆糟丘沈郎指端出前古寸石奏
刀如石鼓我謀我眼君謀唇紅友歸君適相買不然
君誇爲秦我其魯


靜嘯堂存艸卷之六

靜嘯齋存草

卷之七

寒筍草之二

自五雲汎三竺禮大士作至不道計八十一
首



靜齋全存艸卷之七

董斯張遐周甫著

西吳

韓曾駒人殺商訂

自五雲汎三竺禮大士作

丁巳

危巒非眼習與步遙而代樹鳴江籟雜峰轉湖雲背
天有將雪心人驚御風會是日適大風稽首小白華無畏
其 余 資

徑山寂照庵呈憨大師

問法剛人曰探奇及祖庭惟松儲雀粒乾雪晒龍腥

冰筋危懸篠香絲軟拂經金芙蓉隨塵湧明月趨予聽
朱白民爲予昭遠畫竹行歌

髯翁一袖孤峰挂眼飽琅玕不教盡眼中有手誰復
知山靈潑墨成龍陂幽人遠尋得君意索紙斜揮墨
痕膩亂葉還留灑雪聲寒梢不減凌空氣髯翁自觀
笑不休爲君破戒何所求請君束取南山影懸向高
齋拂素秋

徑山道中三首

春山百折抱雲迴石路森沉畫壑哀不見人家山下

住一聲啼鳥帶鐘來

其二

十里雲林下馬看釣魚臺北是臨安晚山所放天
出春澗淙淙深客寒

其三

山腰飛雪山脚晴呼筏過溪溪水平日斜還趁暮樵
去冉冉竹烟將化城

聞王亦房北還志喜

入春寒未薄病骨尚綿衣茲目得君耗恍然如我歸

野梅隨意放湖鴈不勞飛童子逆相問王郎來也非

閑居二首

筆硯竟何益其如心未閑吟餘頭自點睡足草重刪
展盡雪千頃開軒雲半間不緣溪上柳無事逗松關

其二

小風吹髮短對影欲成狂竹几塵誰拂圍棋勢漸忘
腹饒嫌薺老書懶放蕉長或有隱君至傳予種樹方
金十兄庭梅盛開病不能往

溪水十月開藥椀未曾脫臥教閑趣深坐遣勝遊沒

流華傷逝波誰與鍊青骨想君小庭飲素魄浸冰川
從君一枝贈瓶有江南雪林中染香人傲色或徐歇
寄韓求仲太史兼呈朱太復先生

十載霞栖友鵲冠上林全樹夢關珊居身豈以一官
繫作事教他千古看放棹半晴溪草碧讎書中夜石
燈寒買鄰况有華陽老遲暮何爲怨木蘭

寄題閔絃孜了庵

便爾遠流俗爲園還郭東林間無小草人外有翔鴻
竹露他山月花趨別渚風梵書閑理罷左癖悔雕蟲

懷沈孔璋病

門前野艇去還來不得君書紙自猜惟道一春晴日
少好花多背沈郎開

謝王亦房北歸過訪四首

有淚吹花落無心助鳥歌君來猶復爾君去奈余何
書帙遺忘半醫方禁忌多人間真刺眼斜照又清波

其二

歲盡自燕返雪晴旋北來艱難風裏棹淒斷竹前杯
覓樹鴉方陣藏花蝶不媒到愁寒食雨勞我復登臺

其三

挑燈傳玉塵破涕一軒渠丈室子來問住山僧不如
京塵無復化洛誦漸應踈買盡北門謫晴湖猶可漁

其四

小爐試沉水佞佛呪君還問爾亦何意貪他相對閑
谿烟觴碧草窻雨話青山從此燕中耗吾情不再關
春病七首

一日又一日昔人非昔人郊遊孤上巳夜坐偶庚申
逐婦鳩先雨呼雛燕擇春前年楊柳節京口賽江神

其二

海溼浮何日山家隱詎招輓歌勞自贈獨酌不成譔
烟入青林寺花飛白板橋圖書蟲蝕盡斷壁有椰瓢

其三

彩勝遺初罷餅儲貸不應解饒人日菜隨喜上元燈
榔栗橫擔未胡琴擲碎曾眼從閑處着擾擾觸窻蠅

其四

懶出夫何意爲農守石田著圓肥遯卦碑募永和年
名願居人後書難讀父全雛營多事也轉盡指頭禪

其五

藥囊還日日酒旆自家家
初手看人奕低頭獻佛花
蘚痕松帚閣梅影竹窻斜
小出溪橋夜歸林數去鴉

其六

西齋日高睡故態偶尋思
蘆子譜新曲女郎絃小詩
餘癡猶可賣閑病不教醫
社鼓無端鬧千家聞水嬉

其七

豁刻都相訝幽居亦有群
臥成花九錫戲草竹彈文
蟲命從姬乞鶯聲背客聞
丹經誰可授悔別武夷君

偶成

深深小徑一層苔
此日閑心鳥罷猜
簾外折花權侍者
谿頭借月供如來
周旋何似我與我
品藻任他材
不材祇有野情忘
未得青芝山下幾株梅

寄董玄宰先生二首

一船洌湖雪轉眼記三年
世味盡如此浮生安足憐
高霞聊白石孤鳳且蒼烟
捉鼻太無頭少之君不然

其二

鳴騶了無吟訪古巖
名山海月冷相照
湖雲飛不還

亭亭自天外擾擾空人間猶有養生論愁君難得閑

寄丁長孺禮部

蚊蚋貯一器啾啾徒亂鳴我生多曠觀夷曠齊所營
蜚風射海覆群龍戢神靈遽爾魚族欺猶令蛟子驚
與汝遊流沙上醴黃芝英天醉豈恒運終然揚其清
公超未得意精廬授諸生季女不言饑素懷耿寒星
秋霜下江湄橘性寧受更可以洞巖石浮華亦何爭

閨詞

一雙嬌靨點新霞杏子春衫領故斜
卅字闌干簾半

捲睡猫開傍牡丹花

初夏

楊柳陰濃醉碧烟一溪不雨不晴天
水樓處處凭紅袖吳下新來茉莉船

剝啄

雨雨新桐葉漸疎曲肱而枕樂何如
誰來剝啄驚巢燕山寺僧招結夏書

薔薇

紅紫葳蕤闌晚晴除醺開後殿
春黃琴歌赤鳳人何

許滿架花留姊妹名

溪上有作

前溪細浪碧粼粼半醉漁郎倚釣緡使盡神通新燕子掠波來去似驕人

懷張二泰氏館沈大孔璋

野寺鍾沉夢去遲短窻瘦影髮平眉此時瑟瑟夜溪雨燈下兩人閑奕棋

夜

石榻蕭寥似蘭若殘書幾卷西窻下閑看一燈何所

爲龍泉太阿知我者

再謝王亦房見懷三首

殘春分袂夜流火以爲期僅得傳來語無殊遠客時
夫容凭露鳥蟋蟀亂風枝忘意斜川會猶能對一卮

其二

浮踪皆可憐涼雨尺書傳問齒余先飯無兒汝亦禪
天心真不曉世事莫如眠任爾淫秋潦餘生研足田

其三

湯哉弧矢志積病乃空園近渚鴻初落危堤柳不繁

死難將友去窮可謝人言復想青溪客高歌白日昏
北風行寄松陵沈師病中

吁嗟乎世不可以占人兒無孔文舉小兒無楊德祖
生乃與膾等爲伍北風吹骨星闌干抱病經秋草支
戶謝巫勿復禳謝醫勿復來佚我以病老我才濯足
扶桑津倚杖昆侖臺世間屠沽兒誰其知我哉白綸
巾青玉映菊不忌霜松不傷雪跌宕酒經蕭瑟劍說
歌葉已落再歌石爲裂媧皇補後天猶缺欲隨霞
人拾海月文螭不飛白波晴殘雲遙帶洞庭黃危亭

獨鴈楓如血

喜馮大若闕歸

花黃九月別闔天雲裏蘇臺已一年
明日到家猶未暇南潯南畔喚停船

答茅止生湖上見懷

長干理還櫂復此明湖留離夢若千里
悲風恒九秋遇奇天不薄身在爾何憂
幾許眼前事無如歌遠游

溫長卿禮佛祇園寺詩以柬之

戊午

誰爲親也壽歸命十方僧午鉢隨持呪宵龕

寒谿通坐碧飛雪到簾凝止酒忘旬日榮華將未能
答友人作

瓊華言可寄楚水惋未從尺書及江蘋遠心苦奇峰
風雲薄餘子明月懷往蹤澄流鏡余目深渚無濁客
英人感蜀才下士疑津龍凋年獨也正微尚以高松
草爲徐生作

連州乍芷羣倚晚非蘭族明朝鷓鴣鳴乘春闢新綠
壽溫封公七十二首

鳳諾曾登姓字餘猶然杖履問樵漁花期每到春無

負酒力醺驚壯不如華髮如賓疑野饁曾雲有子快
經鋤石渠試理神仙傳強半其人在佛書

其二

縹緲朱霞映畫堂雪晴溪曲水泱泱郡侯欲面猶難
事山澤論心尚未央日轉南離當秉燭天迴北斗代
行觴君家仙吏蓬瀛上何待重尋辟穀方

夜集次韻三首

清溪寂寂動荷香良會今朝樂未央曲檻當風深客
懶空庭遲月得君忙流杯且闌車斜韵秉燭誰歌窈

宛章逆旅雖貧殊不惡無令玄鬢早秋霜

其二

尋常離索日愁儂逃暑名園喜斲從南國問誰芳草
玩西方何意美人逢儘教浮蟻催談麈自有新蛾代
燭龍帶得餘酣理幽夢前汀隱隱曙來鐘

其三

梧徑小風深暮涼四筵共翫遲行觴清言宛爾逼河
漢生計不妨談雨暘十年作客但須醉子夜當歌興
欲狂高齋激楚有奇唱雖則七襄非報章

送友人之洞庭

微雨破殘夏輕舟湖水深
烟雲三十里夜半空樓心
喜茂弘見過

臥起立庭際小池唯敗荷
美人如不來柰此秋心何
其二

寒鳥過一聲所期適然至
低頭剥菱芡閑語昔人事
不吟

不吟時據梧不醉時枕書
不戒時獨居不齋時飯蔬
寄吳凝父

遠夢無端入杳冥
晴山一點太湖青
山中遙憶龐居士
淡食緇衣課寫經

讀妙喜語錄

魯國歌茅苕湘江泣
蕙蘭殷勤雙徑語
莫厭百回看菊

期客客不至夜色高
齋涼坐待一燈盡
幾株秋菊黃
送張伯陽北征歌

長谿作惡風色顛
白波競起蛟龍涎
有客衝寒遠爲別
短衣獨往神蕭然
問君此行安所求
欲挈烏兔馳

幽燕自言挾策今幾年會須簪筆冠貂蟬不然拔刀
斫左賢忍饑誦經竟何事豎儒槁項豈足憐曼胡之
纓珊瑚鞭雪中一騎飛遙天三河年少羣控弦縣官
有事東北邊搗摹歲月已垂就長揖王公徵酒錢聽
君語爲君舞酒呼數行燭花吐黃鬚戔張淚將雨我
其失計君得之丈夫何忍對兒女星闌客去烏夜鳴
三更夢作漁陽行

寄贈戒公

時說法洞庭

漸息執鞭好餘生求藥籠溪窻孤坐月山寺小叅鍾

欲妬卿華鳥空聞呪鉢龍幾時覺城際合爪間南宗

融風誼爲齊生作

融風驕鬼夜譁火鬱攸屋南隅少婦扶服持郎趨兩
兒牽挽從之逋烟中躍出然其鬚無且藥囊焦土俱
齊生乎昔無衣今無居婦子卒歲何所須嗚呼火宅
之危有如此爾其從我歸浮屠

寄鄭孔肩

美人宛何許卷畫借爲家閑引廣文馬去許鴻漸茶
著書甲月露談杜粲春花更覓安心法高天雪一箇

送宗兄遊齊謁李開府

遠君還幾時別我問何之
楚國盛玄醴齊風徵逸詩
斧誰辜嶽色濁勿飲河湄
建業携家處無忘獨杵悲

沈正旂客長安作短歌見懷

君寄遠書讀君秋夜吟
秋飈吹人如有心
寒鴉中夜啼空林
薄寒中人不眠客
鬢無乃繁霜侵
予作康浪歌君向幽燕道
清漢斜高旻關河煙浩浩
壯心一寸竟何成
芙蓉不采吳江老

病早甚劇寄千秋沈使君二首

每到秋闌脚疾增若除坐臥百難能因思粉署蕭蕭
客也做繩牀兀兀僧擯影三年傷未死神遊千古慰
無朋誰嫌濟勝全非分盡舫西湖好共燈

其二

潦倒支離閱幾春書能左腕却疑神三都肯讓一僮
父四海猶餘兩半人醫到兼須謀我病饑來何敢後
君貧傳聞酒戶殊勝昔虬漏將殘大白頻

長至後二夜夢有客索余詠竹且以過去現在
分題寤而甚恠之賦近體二章

青房正不
卷之二
三
秋飲山陰，砥激湍，曾經翠袖倚檀欒。從教瑤席猶香，
汗許久，井蕉不受彈防露。但留杯裏色，捎雲頻入畫
中寒。縱然別苑青無恙，已覺秋聲減夜闌。過去竹

其二

林歇初蟬綠，正稠清陰欲滴。小園頭橫波瘦影，魚爭
避穿逕斜枝鳥。或留幾個粉痕，鮮宿雨一叢煙黛，立
先秋。慣知韻事，僧叅飽，勿笑平安問不休。現在竹

題王亦房簡園三首

口未

以子倦游後，人城如隱居。掌中閑飼雀，池上樂知魚。

飛牖雲爲客綠庭草似書悠哉人事遠不使友生疎

其二

皮信小園中棲遲勝不窮折花分少女掃葉代山童
艷色辭栽李孤心久托桐高眠君勿問待此傲壺公

其三

會得冥鴻意塵中不可求蕭疎園五畝缺陷橘千頭
竹石思留雨烟林未斷秋詎須芳草色對爾日銷愁
徐姊范夫人輓歌

九華靈妃妒君苦玉暎臺空與人去留姊度世姊不

磨淚飛謝家作紅絮櫻桃花枯鳳不黏墨龍滲鐵眠
象奩胡香四兩十萬里石粉擣夜青纖纖小弟揮絃
不成曲白霜如刀鴻陣感越王金借鑄夫人施與繡
腸拜蠟綠

悼亡二首

病極卿相視雖當病不愁誰堪尋藥目并及落花秋
殘燼寒幃墮遺簪敝篋留一言真痛憶好爲父書謀
其二

已分先朝露寧防爾更先散花常懺佛逢巧不求天

妖夢人驚踐沉憂我詎延婆娑生意盡梧葉有高蟬

哭王亦房四首

垂死猶能待汝頻那知汝已作前身沙魂應是中天月可照谿亭獨酌人

其二

與汝倡成吳下體一時鑿破甕中天人間渾沌還留半七夕誰來乞汝顛

其三

捉扇尚憐君有句停觴頓覺我無雲生來二事翻成

臨何苦譚詩又識君

其四

君詩真可挾君飛風馭冷然竟不歸不敢便燒青嶺
峴短荷同我立斜暉

寄酬吳大康侯見懷兼柬劉四虛受二首

帶水非河漢終年一葦遲懷君猶昨日逼我忽新詞
殘照誰人挽深寒有雀知祗應歸白法或可畝離思

其二

揮手昔章句寥寥風雅存問誰能解讀得子續微言

雜感

人生如大魚自以爲河伯玄津苟未啓青溪
里生八極恣揮斥讀書不甚解聽鳥鳴
亦何爲錦瑟日夕奏青瑣無御于雲霓
還音空在抱吾意竟安適昔春變嚴序
杏葉似可
長田以誰穰樂志請偕昔

有懷

明月明月空在天秦簫秦簫深自奏
關邊海客人不

歸懷

卷之七

七

曉春水淚盡眉前

不道

不辭鸞翠鏡邊銷不分
梅蕊笛處飄不道
長風吹雨
還機杼蟲語合秋宵

時彌坐齋存艸卷之上